

AWIG-AWIG

Desa Adat Pedahan Kelod



**WAWENGKON DESA ADAT PEDAHAN KELOD
KECAMATAN KUBU
KABUPATEN KARANGASEM
WARSA 2020**

Awig Awig Desa Adat Pedahan Kelod

MURDEA - CITTA

Om Awigman astu nama sithan,

Patusing Puseban Krana Desa Adat Pedahan Kelod gumawe Awig-awig Desa Adat maka sepat siki-siki pematit, wasti kasidat Prayojanan Muni Kabeh presama angidepaken muah anunggehaken kati awig-awig iki.

Desa Adat wantah narupa puseban Krana Desa muhin kulawarga pawongannya, manut desa Desa kemanggahing Bhuma Agung, pawongannya song-song pinaka Bhuma Adit, kati malereyan catti legathija, sinanggah mardhaning prayojana pangriptaning Awig-awig.

PRATAMAS SABIGAH

ARAN LAN WEWIDANGAN DESA

Pawa 1

1. Desa Adat pedahan newanu Desa Adat Pedahan Kelod
2. Jaba Kabawah wewidangan newanu diatur :
 - a. Siki Wadawangi : Desa Adat Ban
 - b. Siki Kuluhan : Desa Adat mudi Gunung
 - c. Siki Lan Kelod : Desa Adat Pengiyuhan
 - d. Siki Kuluhan : Desa Adat Danyan lan Sangan
3. Desa Padi kowongan mudi kerang mudi mudi ngal ayaban desa mmaning kerah kudu man (

Benja adit sinanggah, juri :

 - a. Benja Adit Pedahan Kelod
 - b. Benja Adit Sangan
 - c. Benja Adit Padang Sari
 - d. Benja Adit Pelsen
 - e. Benja Adit Pengulu
 - f. Benja Adit Baki Lamba

DWITYAS SARGAH
PATITIS LAN PAMIKUKUH

Pawos 2

Desa Adat Pedahan kelod ngemanggehang Pamikukuh minakadi :

- ha. Pancasila
- na. Undang-undang Dasar 1945 ;
- ca. Tri Hita Karana manut sada cara Agama Hindu
- ra. ngerajegang Agama Hindu
- ka. Ngerajegang Perda Prov.Bali no:4 th.2019 Tentang Desa Adat.

Pawos 3

Luir patitis Desa Adat Pedahan Kelod

- ha. Mikukuhang miwah ngerajegang Sang Hyang Agama ;
- na. Nginggilang tata prawertine meagama Hindu ;
- ca. Ngerajegang pasukertan Desa saha pawongannyane sekala kelawan niskala ;
- ra. Mikukuhin Awig-awig, pararem lan pasuara.
- ka. Ngerajegang dharmma agama miwah dharmma Negara

TRITYAS SARGAH
SUKERTA TATA DESA ADAT

Palet 1

Indik Kram

Pawos 4

1. Sane kasinangguh karma desa :

- ha. Sang sapasira ugi jenek magenah ring wawengkon Desa Adat Pedahan Kelod, lintang ring tigang sasih (105 rahina), rajeg maagama Hindu;
- na. Sang sapasira ugi wed saking Desa Adat Pedahan Kelod, jenek magenah ring

dura desa luwaring Desa Adat Pedahan Kelod, nanghing kantung mipil ring banjar sinalih tunggil sane wenten sajroning ring Desa Adat Pedahan Kelod.

2. Papalihan Krama Desa Adat, kadi inucap ring sor puniki :

- ha. Krama marep :
- na. Krama wed :
- ca. Krama Baki :
- ra. Krama balu :
- ka. Krama Nyapihan :
- da. Krama taruna daha :
- ta. Krama tamiu ring dura-desa :
- sa. Krama tamiu dura Negara:

3. Sehanan sang jenek tur mapaumahan ring Desa Adat Pedahan kelod

sane meagama Hindu patut(wajib) nyungkemin Kahyangan Tiga.

4. Sejaba punika kabaos tamiu,sane kebinayang dados kalih inggih punika:

- Ha. sane meagama hindu
- Na. sane ten meagama hindu

5. Pet prade wenten tamiu sane jenek lan meduwe pekarangan ring wewidangan Desa Adat Pedahan Kelod Patut nyungkemin kayangan tiga lan sinitut ring perarem krama.

6. Indik tata krama tur swadarmaning krama desa luwire;

- Ha. krama ngarep patut keni ayah ayahan mamungkul saurah arih.
- Na. krama balu tan keni ayah ayahan lan luput piturunan
- Ca. krama nyapihan lanang keni ayah ayahan saurah arih
- Ra .krama baki luput ayah ayahan saurah arih.
- Ka. krama tamiu sane jumenek meduwe karang paumahan keni ayah ayahan surah arih miwah piturunan pujawali ring pura kayangan tiga.
- Da. krama tamiu sane meduwe tegalan utawi abian keni ayah ayahan surah arih dan piturunan ritatkala puja wali ring pura kayangan tiga.
- Sa. krama tamiu dure negara utawi tamiu sane ten meagama hindu pamayu desa manut ring pararem.

- Wa. Krama desa patut Tinut lan nyungkemin sedaging awig awig miwah pararem desa Adat Pedahan Kelod yen memurug keni pamidanda manut ring pararem.

Pawos 5

Krama Desa wenten 8 (kutus) Pawos luwire :

- ha. Krama ngarep:Krama sane ngamong karang miwah tegal sampun mipil ring Desa Adat Pedahan Kelod .
- na. Krama baki :Krama sane sampun kegentosin antuk pianaknyane
- ca. Krama balu :Krama lanang utawi istri sane ketinggal seda olih rabinnyane.
- ra. Krama Nyapihan:Krama sane palas merabian.
- Ka Krama Teruna Deha:Krama sane ngawit mayusa telulas tiban (13) warsa ngantos tigang dasa lima (35) warsa saha dereng mawiwaha.
- Da Krama tamiu megama hindu:krama sane megama hindu jumenek ring wewengkon desa pekraman pedahan kelod nanging nenten mipil.
- Ta Krama tamiu dure negara:krama sane nenten megama hindu jumenek ring wewengkon desa pekraman pedahan kelod.

Pawos 6

Ngawit dados Krama Desa Adat

- ha. Sangkaning ngamong Karang miwah tegal ayah Desa ;
- na. Mawiwit pawiwahan
- ca. Sangkaning nyepih,numbas, ngewaris, ngidih lan sapanunggalannya karang utawi tegal ayah Desa ;
- ra. Sangkaning pinunas ngeraga utawi jenek mapaumahan wewidangan Desa Pakraman Pedahan Kelod saha kacumponin olih Krama miwah Prajuru.

Pawos 7

Panemayan tedun mekrama desa :

- ha. Nyabran Pangusaban ngembak kawulu Purnamaning sasih Karo.
- na. Nyabran ngemargiang aci ring pura kayangan tiga,mejalaran antuk piranti piranti

pereresikan.

Ca. Nyabran ngemargiang pararem desa .

Pawos 8

Sehanan Krama Desa keni tetegenan (ayah-ayahan) luwire :

- ha. Ayah Nyumek mapiteges urunan miwah ayahan memungkul sakeng Krama ngarep ;
- na. Ayah Nyibakin mapiteges ayahan pateh kadi Krama ngarep lan keni urunan wenten wewangunan lan urunan upacara yadnya nyabran wali ngusaba desa lan aci
- ca. Ayah Bala Angkep keni ayah miwah urunan manut pararem.
- ra. Ayah tapukan keni urunan wewangunan mamungkul lan urunan wali keni mamungkul, sakewanten kaluputang sakeng ayah-ayah.
- ka. Sekaa Daha Teruna keni patedunan manut pabuat utawi pinunas Prajuru Desa Adat.
- Da. Soang-soang Krama Desa sane ngerobang keluarga sejeroning mayusa 7 (pitung) warsa ngantos 15 (limolas) warsa patut ngemolihang kaweruhan saha keranjingang ring sekolah dasar rauh SMP nyantos puput saha ngemolihang cihna antuk Krama sane ngerobang inucap, prade mamurug wenang kedanda manut pararem, saha patut ngemarginin pidabdab sakeng Guru Wisesa sejeroning nincapang kaweruhan.

Pawos 9

Krama Desa Adat Pedahan Kelod Kedadosang

- ha. Mapuankid utawi tan tedun apisan, rikala mayadnya manut pangelokika,selangkungnyane patut wenten pesadok majeng Prajuru.
- na. Nyada nyerahang ayah antuk Krama Ngarep utawi Nyibakin kangkat mawit yening anak alit sampun merabian ,lan nyerodang ayah sejawaning wenten parindik tios manut pararem ;
- ca. Nekelel utawi majeg ; nutug ayahan antuk berana,arta manut pararem kajudi antuk sang mawang rat utawi jenek ring dura Desa ngerereh pekaryan.

Pawos 10

Wusan dados Krama Desa sangkaning :

- ha. Pinunas ngeraga sangkaning kesah kedura desa utawi ngelangkungin segara ;
- na. Kenorayang dwaning sampun tan prasida ngeschin solah lan maprawerti state nguwig kecapping Awig-awig ;

- ca. Seda utawi luput.
- ra. Sang usan mekrama Tan polih pah-pahan sangkaning padruwen Desa, saha prade ngamong ayahan, Patut ngaturang ayahan ke Desa, sejawaning pah-pahan ring soang-soang tempek Banjar manut perarem ring soang-soang banjar ;
- ka. Prade sang wusan mekrama pecak ayah mekrama malih keangkat yening sampun kacumpuin antuk Krama saha patut naur panaub utawi penanjung batu mmanut pararem.

Palet 2

Indik Sabha Desa, Kerta Desa, Prajuru lan Dulun Desa

Pawos 11

1. Desa Adat Pedahan Kelod kahemong antuk Kerta Desa, Sabha Desa hulun apad lan kaenter olih prajuru Desa
2. Banjar Adat kaenter antuk kelihan Banjar Adat.
3. Subak Abian kaenter antuk kelihan subak abian
4. Kerta Desa
5. Sane wenang Keadengang Kerta desa Inggih Punika:
 - ha. krma sane midep antuk tata titi catur dresta
 - Na. sane nahanin ring prajuru.
6. Kerta Desa Kasudi Antuk Paruman Desa
7. Sabha Desa.
8. Sabha Desa Kasudi antuk Paruman Desa, wewilangane gasal.
9. Sane wenang Keadegan Sabha Desa
 - ha. krama sane midep antuk catur dresta
 - na. krama sne midep antuk tata titi uger uger Adat
 - ra. krama sane nyungkemin kesukertan adat

Pawos 12

1. Bendesa Adat Pedahan Kelod kesanggra antuk :
 - Ha. Pangliman utawi petajuh pinaka wakilnya ;
 - Na. Penyarikan pinaka juru surat ;
 - ca. Petengen pinaka Juru Raksa druwen Desa ;

- ra. Kesinoman pinaka juru arah
 - Ka. Pesayahan
 - Da. Kelian –kelian Banjar Adat
2. Kesinoman akeh nia manut kawigunan saha magilir nyabran ngesasih
 3. Sajeroning ngenterang niskala Bendesa mingsinggihang Dulun Desa lan Pemangku Kahyangan Desa.
 4. Sane wenang Keadegang dados Bendesa Adat luire :
 - Ha. Mawiwit sakeng Krama Desa Ngarep ;
 - na. Keadegang malarapan antuk paruman desa, saha krama arep, Prajuru soang-soang lan dadia dadia. taler keadegang nyabran 6 (nenem) warsa, sejawaning wenten perindik tios kangkat kapilih malih
 - ca. Patut nincapang kaweruhan ring sulur Agama lan Adat, turmaning tan ceda angga, ceda budi lan sepenunggalanya saha tan kapialang antuk Uger-Uger Panegara;
 - ra. Wikan mebaos miwah nyurat aksara bali utawi latin.
 - Ka. Meyusa pinih alit 30 warsa.
 - da. Maduluran Dewa Saksi ring Pure Bale Agung.
 5. Pidadab ngadegang Bendesa lan prajuru desa:
 - Ha. paruman desa ngawentenang saseliran. pangawit saking paruman desa matuju sang sane jagi keadegang kelihan desa utawi bendesa, yening ngantos lintangan ring asiki sane ketuju olih krama antuk paruman desa, yoga pinilihan
 - Na. Mungguing ngadegang patengen, penyaringan, juru raksa lan juru arah saking penyudian bendesa utawi kelihan desa sane kesungkemin antuk paruman desa.
 - Ca. Prajuru desa sane kesudi ngadeg wantah nenem (6) warsa sejawaning wenten perindikan tios utawi kesudi malih.
 - Ra. Silih sinunggil prajuru tan preside ngelanturang ayh- ayahan utawi keni kapihalang wenang mesadok ring bendesa mangde preside kegentosin kensudi sane tiosan kesungkemin ring ring sejeroning paruman desa.
 - Ka. Silih situnggil prajuru piwal wenang ketiwakin pangelokika lan kesudi sane tiosan kesungkemin ring sejeroning parum adat.

6. Ritatkala nyudi Sabha desa,kerta desa lan prajuru desa (PARUMAN SABHA DESA ADAT) sane patut rauh krama arep,prajuru desa,Prajuru Banjar Adat penduluan desa(saing 16) pemucuk dadia-dadia saha sekaa-sekaa.
7. Sane kejudi dados Bendesa,Sabha Desa,Kerta Desa,lan Prajuru wenang kewintenin antuk Desa Adat ring Bale Agung Pura Desa.

Pawos 13

1. Swadarmaning Kerta Desa
 - Ha. Ngicen pawarah-warrah ,tetimbang majeng ring prajuru desa sejeroning ngenter desa.
 - Na. niwakang pamidanda ring prajuru desa sane memurug awig-awig miwah pararem desa.
2. Swardarmaing Sabha Desa
 - Ha. Ngicen pawarah warah majeng ring Bendea lan prajuru desa ring sajeroning ngenter desa.
 - Na. Ngenter bendesa lan prajuru Mipil utawi nyurat awig-awig lan pararem desa adat.
 - Ca. Ngenter bendesa lan prajuru mipil ngerincikang pengerencana wewangunan ring adat.
 - Ra. Ngenter bendesa lan pajuru mamapidadab mipil ngerincikang olih-olihan lan prabia desa adat.
 - Ka. Ngenter bendesa lan prajuru ngewerdiang kesukertan desa adat.
3. Swadarmaning Bendesa luwire :
 - ha. Minadabin desa,krama desa ngardi kesukertan sakala niskala maka dasar awig-awig lan pararem desa adat.
 - Na. Ngenterang penglaksana sedaging Awig-Awig miwah perarem Desa Adat;
 - ca. Nuntun tur ngenterang Krama rauhing Warga Desa ngupadi anut patitis ;
 - ra. Mawosin kalih niwakang pamutus arep wicara krama Desa yening ten preside prajuru ngesuserah ring guru wisesa.
 - Ka. Mraktiaksa,nunggilang,nyikiang saporipolah prajuru,kelian banjar adat,kelian subak abian ,kelian dadia dadia,pangulu desa(penduluan apad) lan jro mangku ring sewengkon desa adat pedahan kelod ngewerdiang kesukertan desa..
 - Da. Maka duta matemuang bawos ring sapa sira ugi.
4. Prade Prajuru iwang penglaksana keni pamidanda nikel ring kaiwangan soang-soang saha kangkat kararyanang manut perarem.

Pawos 14

1. Dudonan Dulun Desa ; mawasta dulu Apad Saing 16 Enam belas :
 - ha. Jro Kubayan :kiwa tengen lanang istri

- na. Jro Bahu kiwa tengen/lanang istri
 - ca. Penyangga kiwa tengen lanang istri
 - Ra. Penyarikan Kiwa Tengen Lanang istri
 - Ka. Pemangku kayangan.
2. Indik jro saing enam belas (16) kesungguh Paduluan.
3. Dulun Desa utawi ulu apad keadegang wantah mawit sakeng Krama sane ngemong karang miwah tegal ayahan desa utawi krama Ngarep sakeng teben ngamungganghang.
4. Ritatkala ngemargiang aci Dulu Apad kesanggra olih:
- Ha. Pemangku Kayangan sane sampun keadegang melarapan antuk paruman desa.
 - Na. Bahu kiwa tengen
 - Ca. Penyangga
 - Ra. Penyarikan
 - Ka. Prajuru
5. Swadharmaning Dulun Desa soang-soang manut dudonan luwire :
- Ha. Dulu Apad pinaka ngupasaksi pemargin upakara panca yadnya
 - Na. Bahu;Pinaka ngewantu tugas Dulu Apad
 - Ca. Penyangga Pinaka ngewantu bahu
 - Ra. Penyarikan Pinaka ngewantu Penyangga
 - Ka. Pemangku Kayangan pinaka Pemuput upakara yadnya.
6. Petias utawi olih-olihan Prajuru lan Dulun Desa Luwire :
- ha. Polih tanding tengah ;
 - na. Luput rerampen ;
 - ca. Paweweh ring Dulun Desa polih pengangge anut perarem utawi manut kwentenan ;
 - ra. Petias sewosan manut perarem
7. Petias utawi olih-oluhan Sabha Desa lan Kerta Desa Luire:
- Ha. Luput rerampen
 - Na. Paweweh ring sabha desa lan kerta desa polih pengangge manut kewentenan
 - Ca. insintif saking Prajuru
 - Ra. Patias sane tiosan manut ring pararem.

Pawos 15

1. Bendesa, Prajuru Desa, Sabha Desa lan Kerta Desa kagentosin riantukan :
 - ha. Seda ;
 - na. Tutug panemaya;
 - ca. Wit sakeng pikayun rahayu utawi pinunas ngeraga.
 - ra. Kanorayang duaning iwang pemargi utawi nilar sesana manut ring pararem
2. Dulun Desa (penghulu Desa) Kawusanang (kagentosin utawi lad) riantuk :
 - Ha.. Telas Penuku (baki)
 - na. Rabin nyane lina
 - ca. Prade melaksana Asta Dusta, lina, lan saha tios-tiosan manut perarem.

Palet 3**Indik Kukul****Pawos 16**

1. Kukul ring Desa Luwire :

- ha. Kukul Desa Adat ;
- na. Kukul Banjar utawi Tempekan
- ca. Kukul Sekaa-sekaa.
- Ra. Kukul Dadia

2. Tabuh tatepakan Kukul Desa :

- ha. Kalih Tuludan lambat, tengeran tedun ngayah utawi parum ;
- na. Atuludan Bulus, tengeran kapanca bhaya;
- ca. Limang kelentungan lambat tengeran petedunan wangde wangde;
- ra. Atuludan lambat lan tigang klentungan, mewantun-wantun tenggeran Pawiwahan ;
- ka. Tengeran Kelayu sekaran (putus/seda), kalih kelentungan mewantun-wantun tengeran mituahang, atuludan lambat selanturnya nedunang krama.

Pawos 17

1. Kukul Desa utawi Banjar tan wenang katepak yening tan sangkaning pituduh Prajuru, sejawaning kapanca bhaya ;

2. Sang nepak tan sangkaning pituduh patut digelis atur supeksa maka buatan panepake, yan tan mangkana wenang sang mamurug kedanda manut pararem;
3. Suaran Kukul, tenggeran kepanca bhaya patut ketedunin antuk Kram Desa saha makta gegawan anut bhaya ;
4. Kukul sekaa-sekaa semaliha kukul pondokan – pondokan tan kalugra nyawerin (matchin) sukat utawi tenggeran kukul Desa prade mamurug wenang kedanda manut perarem.

Palet 4

Indik Paruman

Pawos 18

1. Paruman/Sangkepan ring Desa Adat Pedahan Kelod wenten
 - ha. Paruman Desa adat Kawentenang petang sasih apisan.
 - na. Paruman Dulun Desa lan Prajuru, kawentenang manut tetujon
 - ca. Paruman Sekaa – sekaa manut pabuat
2. Nyabran Anggarakasasih tan ngemargiang arah – arah ngangke saha matenggeran kukul ;
3. Napkala (Padgata kala) makajalaran arah-arah saha matenggeran kukul manut tetujon.
4. Paruman Desa madudonan sekadi ring sor :
 - Ha. Paruman desa adat kainter olih prajuru saha meduluran pejati utawi canang pengeraos.
 - Na. Krama pemsilet mebusana adat madia.
 - Ca. Tan kepatutang ngewetuang bebawos utawi parilaksana sane tan becik.yening memurug,keni pamidanda manut perarem.
 - Na. Pamutus bebawos beriuk sepanggul (ingkup) punika kemanggehang, prade tan preside gilik - saguluk suara makehan pinaka pamutus.
 - Ka. Pemutus bebawos keaptiang mangde metu saking manah sane medasar antuk paras paros sarpanaya tur gilik-saguluk ngaptiang sukertan desa adat.

Pawos 19

1. Sajeroning paruman Desa, prajuru Adat patut nyiarang pemargin ngenterang Desa, pamekas nguningayang indik :
 - ha. Munjuk lungsuring saha ayah – ayah sulur artha berana druwen Desa;
 - na. Rencana Prajuru nganinin usaha Desa kapungkur
2. Pamutus Paruman Desa sinanggeh PERAREM maka pamitegep penglaksanaan Awig-awig.

Pawos 20

1. Sangkepan Prajuru lan Dulun Desa kawenangang wantah ngerincikang pengerencana usaha Desa Kapungkur;
2. Sangkepan Prajuru lan Dulun Desa tan kawenang ngewedalang tategenan ring krama sadereng keingkupin antuk Krama Desa ;
3. Pemutus sangkepan Prajuru lan Dulun Desa ngewetuang pasuara, maka pidaging pituduh sang ngawewenang utawi ngonekang perarem krama Desa.

Palet 5**Indik Druwen Desa****Pawos 21**

Padruwen Desa Adat Pedahan Kelod sekadi ring sor :

- Ha. Wewangunan suci mekadi Parhyangan/penyiwian-penyiwian Desa Adat jangkep saha sarana upacara pebaktiannya.;pura desa lan bale agung,pura puseh padang sari,pura dalem,pura prajapati,pura catus pata,pura dukuh madia,dukuh padangsari,dukuh desa,batudinding,pura sangsana,pura ratu ayu lan pura bale bunder.
- na. Balai pesamuan (Bale Desa adat);
- ca. Tanah laba Pura Desa,pura dalem,pura puseh Padang sari,pura celagi,lan pura batudinding
- ra. Tanah Desa (Karang lan Tegal ayahan Desa)
- ka. Setra-setra luwire :Setra Agung ring Delod Desa ;
- da. Gong Barungan.
- ta. Ilen-ilan sekadi : Rejang Pendet, lan pesantian.

- sa. Lembaga Perbukitan Desa (LPD)
- wa. Teks – tulisan sane pasung manggeh dhuwen Desa

Pawos 22

Olih-olihan Desa Adat Pedahan Kelod, Irwite :

- ba. Olih-olihan saking pelaba pura,
- na. Utusan Krama Desa Adat;
- ca. Paica saking Guru Wisesa;
- ra. Paica-paica utawi usaha tiosan sane patut

Pawos 23

1. Prajuru Desa wening ngetangang panyusun laba Pura lan sepepenggalan dhuwen Desa;
2. Pikolih lan panyusunnya koanggen prabeya piadalan saha wewangunan ring Pura miwah sane tiyosan
3. Nyabran pesungkepan Desa, Prajuru pangamong dhuwe desa ngawentenang parindik munjuk lungsurung padruwe ring Krama Desa;
4. Indik kewentenan Lembaga Perkresnitan Desa (LPD) ngangge pidabdab manut pararem ;
5. Sakalawiring dhuwen Desa patut wenten ilikitananya;
6. Tan kaligra ngadol, nyepih utawi ngesahang padruwen desa yening tan kasungkemin antuk krama desa;

Palet 6

SUKERTA PAMITEGEP

Kaping 1

Indik Karang Lan Tegal

Pawos 24

1. Krama Desa Pengemong Karang Patut ngewatesin karang inucap antuk paggehan utawi tembok mangda pekantenannya asri.
2. Wates sisi kaler miwah kangin patut kekaryanin antuk sang ngamong karang inucap sane mawasta magaleng keluwan, sejawaning tanah pecatu, tegal utawi tanah Padruweyan ngeraga sane kapiara watese sisi kelod miwah kauh, reh punika mawasta magaleng keteben.
3. Prade karsayang paggehan utawi turus ngalikadin, yan pada arsa penyandinge nganggen pinget kowanten kasaksi antuk Prajuru Desa utawi pracinna Pal sakeng mawang rat.
4. Prade wenten karang kobebeng mangda kausahayang wenten pemarginya.

Pawos 25

1. Sinalih tunggil Krama Desa tan kelugra :
 - Ha. Ngalah-alah margi, tegal ayaban, karang Desa lan sepenunggilannya
 - Na. Ngalah alah tanah, tegak kayangan, setra, lan sekanean tegak sinanggeh suci
2. Prade wenten sekadi ring ajeng, sang ngalah-alah patut ngwaliang tanah inucap saha keni pamidanda sepatutnyane manut pararem, lan kadulurin antuk upakara ring pangalah alah tanah suci.

Kaping 2**PEPAYONAN****Pawos 26**

1. Ngawit nandur pepayonan tanem tuwuh patut adepa agung ngajeroang sakeng bates, prade jantos ngeliwatin wates wenang kesepat gantungin.
2. Yening wenten tetanduran ngungkulin, semaliha mewastu mayanin kapisaga patut kewara antuk paiguman ping ajeng prasidea sang nruwenang wit ngrebah utawi notor.
3. Prade sampun kewara taler tan wenten usaha sang nruwenang wit sang rumasa ketetehan utawi kejerihan wenang masadok ring prajuru, tur risampun keparitatas kelugra ngicalang pepayonan inucap sakewanten patin pepayonan patut ketawur manut penglokika sane nepasin.
4. Sang keni pamidanda penyanggaskara saha prabea manut pararem arep ring wewangunan sang kerubuhan, luwire :
 - Ha. Sang neruwenang sang sinanggeh mayanin prade pungkut ngerubuhin krama tios.
 - Na. Sang notor munggul utawi ngebah taru tur ngerubuhin krama tios.
5. Krama Desa patut ngemanggehang kawerdian tanem tuwuh sane ngawinang desane asri tur lestari, Saha tán kangkat ngrebah taru sadereng wenten wak-wakan Prajuru utawi pituduh sakeng Guru Wisesa.

Pawos 27**Indik Nyungkemin Wana Utawi tegalan**

1. Indik nunjelin wana utawi tegalan
 - Ha. Yening wenten silih situnggil jatma sane nunjelin wana, patut digelis kesadokang ring sang mawang rat
 - Na. Yening wenten silih situnggil karma desa nunjelin wana, patut keni pamidanda manut Pararem Desa adat pedahan kelod.
2. Indik ngingsiran pal batas wana

Ha. Yening wenten silih situnggil jadmā sane ngingsirang pal batas akehne pamidanda manut ring pararem.

Na. Yening wenten silih situnggil ngingsirang pal batas, karma patut keni pamidanda manut Pararem Desa adat pedahan kelod.

3. Indik ngebah taru

Ha. Yening wenten silih situnggil jatma sane ngebah taru ring tengahing wana patut kesadokang ring sang mawang rat

Na. Yening wenten silih situnggil karma desa sane ngebah taru sekamkama ring perlindungan jurang (tukad) mewates 100 (satus) meter saking sisih tukad, karma punika patut keni pamidanda manut pararem

4. Indik ngrereh batu utawi bias (pasir)

Ha. Yening wenten silih situnggil jadmā sane ngrereh batu wiadin bias kaanggen dagangan, jatma punika patut kesadokang ring sang mawang rat

Na. Yening wenten silih situnggil krama desa sane ngrereh batu wiadin bias ring tukad/perlindungan jurang kaanggen dagangan, karma punika keni pamidanda manut Pararem

5. Indik nglebang wewalungan ring tengahin wana

Ha. Yening wenten silih situnggil jatma sane nglebang wewalungan luirnyane : banteng, bawi utawi kambing, karma punika patut digelis kesadokang ring sang mawang rat.

Na. Yening wenten silih situnggil jatma sane nglebang ubuh ubuhan luirnyane, banteng, bawi utawi kambing, maka sami punika dados kaambil olih krama desa ngelantur krama punika jaga kasukserahang ring sang ngawenangan

Kaping 3

Wewangunan

Pawos 28

1. Nyabran ngewangun patut :

ha. Mesadok ring Prajuru, ping ajeng prade wewangunan nganinin wates ;

na. Ngangge gegulak asta bhumi miwah asta kosala kosali sanistane manut ring petitos niskala

ca. Tan nyayubin kapisaga.

Ra. Sahanan pelemahan ugi meduwe magi.

2. Prade wewangunan jantos nyayubin bilih-bilih temboke ring telengin wates, risampun kewara tur kesadokang ring Prajuru, wenang kedanda manut perarem saha tembok inucap kegambar utawi sanistane kekaryanang abangan.

Kaping 4

Wewalungan

Pawos 29

1. Sahanan krama desa sane mamiara wewalungan patut sayaga nitenin negul utawi ngelogor mangda tan ngerusakin karang utawi paabianan krama sewos bilih-bilih jantos ngeranjing ngeletehin kahyangan ;
2. Prade wenten wewalungan ngelumbar utawi ngeleb ngerusakin karang utawi paabianan krama sewos, risampun kewara kengin ketaban tur kedanda, ngewaliang wit sane rusak saha naur penebas papiaraan tetaban, manut pengelokika Prajuru Desa.
3. Prade jantos ngeletehin tegak suci, minakadi pemerajan (Sanggah kemulan) risampun keparitatas antuk prajuru, wenang sang nruwenang kedanda mabuhu agung tebasan-tebasan prayascita durmangala utawi panca sata iwak bebek belang kalung prade jantos ngeletehin Kahyangan Desa utawi pura Pemaksan;
4. Krama Desa patut nyanggra wewalungan miwah sarwa prani, tur tan kepatut morosin sane prasida ngicalang kewerdian inucap sadereng polih cihna wak – wakan sakeng Prajuru Desa.

Kaping 5

Bhaya

Pawos 30

1. Parindikan bhaya luire:
 - Ha. Panca bhaya.
 - Na. Jiwa bhaya.
 - Ca. Gni bhaya.
 - Ra. Bhayu bhaya.
 - Ka. Toya bhaya.
2. Sang ngamanggihin panca bhaya,patut nebak kulkul bulus manut ring pawos (16)
3. Prade ring desa kahanan panca bhaya,patut desania ngaturang upakara bhuta yadnya ,tur kekenining prabiya manut ring pararem.

4. Prade wenten jatma memisuh utawi nguman-nguman jatma sane tios meujar ala ring genah suci patut kekenamin pamidanda biya pecamil tebasan prayascita manut ring pararem.

Pawos 31

1. Uger-uger Guru Wisesa saha mawuwuh penyanggaskara prade wenten jatma ngemaling barang sinanggeh suci.
2. Pratingkahe mapailon ring dusta kebawos saroro prade wenten jatma manggihin maling tan nyadokang ring Prajuru jantos jatma tios nyaduang patut kedanda kadi dandaning maling akweh pengargan wit manut cacakan Desa, tur prade jantos ping tiga melaksana sapunika wenang kasukserahang ring sang ngawewenang;
3. Prade wenten jatma ngerereh reramon minakadi kayu, saang, daun, kelapa ron, lan sepenunggalannya tanpa sadok ring sang nruwenang prade kacunduk (ketara) patut kedanda kadi dandaning maling;
4. Yening wenten jatma ngeranjing kepakubon wiadin kepekarangan jatma tios rikala suwung, mewastu sung madrue karang keicalan, wenang jatma inucap ketuwekang antuk madewa saksi ring Pure Bale Agung ;
5. Mangda tan ketuwekang manut ring ajeng asing-asing ngeranjing kapakubon jatma tios patut :
 - ha. Matenggeran suara (maksukan);
 - na. Nyantos sang nruwenang karang rauh utawi mesadok ring pangapit pinih tampek, maka buatan pangeranjinge;
 - ca. Pemedal karangnyane kedagingin sawen maka cihna pengarah rikala suwung.

Kaping 6

Penyanggran Desa

Pawos 32

Krama Desa rikala ngawentenang karya suka duka, patut kesanggra antuk Krama Desa

- ha. Prade ngewangun Pitra Yadnya utawi Manusa Yadnya patut nunas Penyanggaran Desa.
- na. Upacara Pitra Yadnya lan Pawiwahan kamargiang risampun polih uwak-uwakan saking Prajuru lan Dulun Desa
- na. Pangeromba utawi karya Gotong - royong Krama ngantos ping tiga selangkungan punika patut katuran pengu;
- ca. Pengu rikala Pitra Yadnya anut abot dangan Yadnya prade sakeng semeng ngantos wengi katuran pengu ping kalih.

Kaping 7**Indik Pariwerti****Pawos 33**

1. Sahanan Krama Desa adat tan kapatutang majejemuhan, ngutang leluhu mebacin ring Margi Agung tur ring genah sane nenten Kapatutang sane praside ngicalang pasukertan Desa adat;
2. Krama Desa patut ngewerdiang utawi mersihin ring sajeroning setra,ritatkala pacang ngemargiang pitra yadnya mangda pekantenannyane asri;
3. Telajakan karang sane majeng Margi Agung, Merajan Karang Sikut Satak patut kapiara nyabran rahina tur katandurin sarwa sari;
4. Sahanan Krama Desa Adat patut mebersih – bersih nyabran rahina ring karang peumahan sami sakeng telajakan ring ajeng rawuhing got utawi kekalen lan Margi Agung.
5. Sahanan Krama Desa Adat kapatutang madruwe genah mebacin utawi WC.
6. Sang sapa sira ugi sane mamurug pidabdab inucap patut keni pamidanda manut pararem lan uger – uger sakeng Guru Wisesa.

CATURTAS SARGAH**SUKERTA TATA AGAMA****Palet 1****Indik Dewa Yadnya****Pawos 34**

1. Pelinggih penyiwian sewawidangan Desa Adat Pedahan Kelod:

- ha. Pura Bale bunder
- na. Pura Desa
- ca. Bale Agung
- ra. Pura puseh
- ka. Pura dalem
- da. Pura Padang Sari
- ta. Pura Batu Dinding
- sa. Pura Batu Madeg

- wa. Pura Dukuh Madia
- la. Pura dukuh Padang Sari
- ma. Pura dukuh desa
- ga. Pura segara
- ba. Pura sangsana (bugal)
- nga. Pura ratu ayu
- pa. Pura celagi
- ja. Pura Pajapati
- ya. Pura Catus Pata

2. Indik.Rahina piodalan (aci) pura suwang-suwang kadi ring sor:

- ha. Pura Desa : ring Purnamaning sasih karo lan memungkah purnamaning sasih ketiga.
- na. Bale Agung :ring purwaning sasih karo.
- ca. Pura puseh : ring Purnamaning sasih kelima
- ra. Pura Bunder : tileming sasih kawulu
- ka. Pura dalem : ring tileming sasih kedasa
- da. Pura Padang Sari : Puramaning sasih kelima
- ta. Pura Batu Dinding : ring Purnamaning sasih kapat
- sa. Pura Batu Madeg : ring Buda kliwon ugu
- wa. Pura Dukuh Madia : ring purnamaning sasih kasa
- la. Pura dukuh Padang Sari : ring purnamaning sasih kepitu
- ma. Pura dukuh desa : ring 3 rahina sedurung purnamaning sasih karo
- ga. Pura segara : ngantukang mala ring tileming sasih kesanga.
- ba. Pura sangsana (bugal) : tileming kesanga.
- nga. Pura ratu ayu : ring anggara kasih julungwangi
- pa. Pura celagi : purnamaning sasih keenam
- ja. Pura Pajapati : ring tileming sasih kawulu
- ya. Pura Catus Pata : ring tileming sasih kawulu

5. Pengaci ring pura-pura inucap manut kecap Sastra Agama saha kelaksanayang nista madya utama manut pararem.

6. Sowang-sowang pura inucap wenang keadengang pamangku pemucuk.

7. Yening wenten pura durung meduwe pamangku, utawi pamangkunyané kapijalang, dados miwur silih sinunggil pamangku kayangan desa.
8. Sane kedadosang muput ring pura kayangan desa, wantah pamangku kayangan desa. sajawaning karya agung, ngenteg linggih, ngeRsi Gana, mapadudusan miwah karya ageng tiosan pamiwa wenang kepuput sulinggih.
9. Rikala ngelaksanayang piodalan utawi karya sadereng ngemargiang pemuspaan patut kariyinin antuk Tri Sandya.
10. Soang-soang Pura inucap ring ajeng kaempon lan kewangun olih krama Desa Adat Pedahan Kelod.

Palet 2

Indik Pemangku

Pawos 35

1. Ring soang soang Parhyangan Desa Adat Pedahan Kelod wenang keangkat utawi ngadegang Pemangku.
 - Ha. Ngadegang Pemangku inucap angka (1) manut pararem :
 - na. Pengulu desa (ulu apad) manut tegak ring Bale Agung
2. Tan kawenang Kaadegang pemangku luwire :
 - ha. Ceda angka luire peceng, perot, cungh, lan sepenunggilannya;
 - na. Sang sapa sira ugi sane tan kepatutang manut pararem;
 - ca. Sakit ila, ayan, lan buduh wiadin edan;
 - ra. Sane mederbe kesucian urip tan becik.
3. Pidadab ngadegang pamangku:
 - Ha. Ngambil saking sascerodan utawi katurunan
 - na. sangkaning ketujuh saha kesungkemin antuk krama desa
 - ca. saha nunas petunjuk widi ring suwang suwang paryangan mepiranti bhakti kwangen lan jinah bolong.
4. Pamangku patut meduwe amongan pura
5. Prabeya Kepemangkuan :

- Ha. Adiksa Widhi (ngawintenin) kemenggala saha kelaksanayang antuk sang ngadegang, mekadi Krama Desa;
- na. Mapitra Yadnya riwekas, patut kelaksanayang antuk Krama Desa ;
6. Sapasira ugi krama desa sane keadegang pamangku,yogia lanang istri mawinten ring genah keadegang dados pamangku.
7. Pemangku patut ngemanggehang sesananing pemangku luire tan wenang ajejuden utawi memotoh memunyah miwah sane tiosan.
8. Yening pamangku wekasan seda,patut kesangra antuk krama desa manut pararem.

Pawos 36

1. Swadarmaning Pemangku Luwire:

- ha. Meduwe sesana sane utama .
- na. Ngenterang utawi muput upakara puja wali ring pura sane keadegang lan ngabih utawi ngaturang ayah ngewantu pamangku pamucuk ring Parhyangan Desa Adat, saha kangkat ngaturang Upakara utawi Yadnya ring sewengkon kahyangan desa adat.
- Ca. Nuntun krama ngewerdiang utawi ngajegang agama lan tatwa mangdene sahaning upakara yadnya presida memargi manut ring daging sastra lan catur dresta.
- Ra. Nyaga kesucian paryangan desa adat.
- ka. Tan wenang salah sulub yan mamurug wenang mangku inucap nyepuhin raga;
- da. Semaliha yan sampun pemangku ngayah ring pura inucap wenten kulawargania padem, mangku inucap tan keneng cuntaka, sakewanten pemangku tan budal salami piodalan.

2. Petiyas utawi olih-olihan pemangku, luire :

- Ha. Penyolasan utawi sepian utawi panjangan miwah sarin Canang mawiwit sakeng aturan upacara ke pah dados tiga
- na. Luput ayah-ayahan
- ca. Luput Rerampen;
- a. Busana manut pararem utawi kawentenan ;
- ka. Tios – tiosan manut pararem

Pawos 37

1. Pemangku Desa Adat patut kegentosin riantukan :
 - ha. Seda ;
 - na. Pinunas ngeraga, menawi kageringan lan sepenunggalannya;
 - ca. Kawusanang antuk krama sangkaning melaksana sane tan patut (Asta Dusta)
 - ra. Baki.
2. Prade Pemangku kawusang sangkaning melaksana asta dusta, keni pamidanda manut perarem.

Pawos 38

Kesukertan Kahyangan kadi ring sor :

1. Tan Kalugra ngeranjing ke pura, luire :
 - Ha. Sang katiben cuntaka, mekadi sebel sakeng ngerage.
 - na. Sebel kandel ngerajasuwala, salami dereng mebersih;
 - ca. Sebel madruwe putra, selami dereng kepus odel sane lanang, saha sane istri 42 rahina utawi akambuhan
 - ra. Sebel pengantenan salami dereng mabiyakala, dereng nuur tirta ring pura dukuh miwah cuntaka sangkaning kepademan manut sengker.
 - ka. Sebel riantukan madruwe keluarga kelayusekaran salami dereng ngelaksanayang Upakara Masapuh utawi Nyeeb Brahma.
 - Da. Makta sehanan barang sinanggeh ngeletehin ;
 - Ta. Mabusana tan manut kadi tata caraning ngranjing ke Pura
2. Pratingkahe tan wenang ring Pura :
 - Ha. Mesumpah (cor) sejawaning pituduh Prajuru lan Dulun Desa;
 - Na. Makobokan masesenengan, makolem dados asiki lanang wadon, mebacin mewarih, nyangsang busana, macecepin anak alit, menahin pusungan ;
 - Ca. Mungguh tedun ring palinggih sejawaning pituduh Prajuru, pemangku desa lan Dulun Desa;
3. Sang mamurug kecaping ring ajeng, keni pamindanda pemerayascita manut ring perarem.

Pawos 39

1. Krama Desa sami patut sareng ngawas nitenin ketuntun antuk Prajuru, mangda sehanan Yadnya sane kawentenang kaicen pemuput Pemangku desa adat manut kewenanganya soang-soang.
2. Yening wenten jadma kerauhan(kelinggihan)ring pura patut kepintonin utawi ke tes antuk asap dupa lan tirta yening ten suyakini keni pamidanda manut ring perarem.
3. Ten kelugra ngewentenang jajudian ring palemahan pura.
4. Ten kelugra memunyah ring wewidangan pura.

Palet 3**Indik Rsi Yadnya****Pawos 40**

1. Sapa sire ugi nangun yadnya pewintenan madeg pinandita,jro mangku,jro balian,jro dalang,jro tukang patut keunigayang,keupasaksi majeng ring prajuru desa adat.
2. Yadnya pawintenan wenang kepuput antuk pandita (sulinggih)
3. Prajuru desa adat gutsayang ngewerdiang keutaman sanghyang aji.
4. Prajuru desa adat patut ngawas,mintonin tur wenang ngalangin pet prade wenten lempas,sasar kecihnan kecap sastra miwah dresta tur sareng nyaksinin,nyiarang ring paruman desa adat mangde tatas tegep wates kewenangannyane nginterang yadnya.
5. Sapa sire ugi krama desa mapikayun pacang munggah madwi jati patut masadok ring prajuru desa lan kesungkemin krama desa lan krama dadia.
6. Prajuru lan krama desa patut ngaturang ayah ritatkala ngadegang sang dwijati miwah ring pangelepas sang sulinggih.

Pawos 41

1. Sang sulinggih patut mapaike nuntunan,pemargi tata titi lungguhin panca yadnya majeng ring prajuru lan krama desa adat pedahan kelod.
2. Krama desa sami patut sareng ngawas ngilenin lan ketuntun antuk prajuru mangdene sahaning upakara yadnya presida memargi manut ring daging tatwa lan catur dresta.

Palet 4**Indik Pitra Yadnya****Pawos 42**

1. Pemargin Pitra Yadnya manut ring Sekadi Ring Sor:
 - Ha. Mapendem cihna mekinsan ring pertiwi.
 - Na. Makinsan ring gni.
 - Ca. Atiwa-tiwa (ngaben)
 - Da. Ngaben ngelanus.
2. Upacara atiwa-tiwa sawa preteka utawi sawa rsi kepatutan kemargiang ring setra desa adat pedahan kelod yening mamurug ring awig awig wenang keni mapidanda manut ring pararem.
3. Sapa sira krama desa tan wenang atiwa-tiwa ritatkalaning wenten larangan desa adat.yening mamurug keni danda manut ring perarem.
4. Krama desa kedadosang ngemargiang atiwa-tiwa makinsan ring gni.
5. Mendem mekinsan ring pertiwi utwi mekinsan ring gni wenang ketiwakang olih bendesa adat.
6. Ngerereh padewasan atiwa-tiwa wenang ketiwakang olih prajuru desa lan kepuput olih sang sulinggih.
7. Ten wenang ngutang,ngirim,utawi tan kedadosan mendem sawa ritatkala wenten atiwa-tiwa ring setra tunggil.yening mamurug keni pamidanda manut ring perarem.
8. Yening wenten sawa genahne seda ring luaring karang paumahan,yogya sang madruwe maprayascita marisuda genah punika.yening sawa tan kaparihangken,genah punika patut keparisuda antuk desa adat.
9. Sapa sira ugi krama desa sane wusan ngemargiang karya pengabenan,mangde mereresik(mabersih-bersih)ring setra sakesep ipun tigang dina saking pengabenan.yening mamurug keni pamidanda manut ring perarem.
10. Sapa sira krama desa keguguran,warak keruron wenang ngerapuh ayu ring genah inucap antuk caru eka sata.
11. Sapa sira ugi krama luaring utawi krama sane nenten mekrama adat ring desa adat pedahan kelod,ugi ngange setra padruwe desat adat,patut keni pananjung batu manut ring pararem.

Pawos 43

Swadarmaning lan tetegenan pet prade wenten sinalih tunggil krama kelayu sekaran.

1. Sang kedukaan utawi sane ketiba kelayu sekaran patut;
 - Ha. Nyadokang ring bendesa lan kelihan banjar adat lan nunas tetimbang antuk kewentenannyane.
 - Na. masadok majeng ring prajuru ngerembo apuputan medasar antuk canang sakasidan.

- Ca. Indik Salah Pati lan Ngulah Pati manut ring keputusan pesamuan Agung Para Sulinggih lan Walaka ring Campuan Ubud, 21 Oktober 1961 sane Kalayu sekaran kadi salah pati lan Ngulah Pati patut kabawos mati bener (seda biasa), saha kangkat kaupakara kadi ngupakara sawa seda biasa sane sampun ketah memargi, saha kadulurin antuk Upakara penebusan lan pengulangan manut Sastra Agama Hindu.
- ra. Sang sane seda utawi putus inucap aksara ca), utawi seda ring dura desa, Rumah Sakit lan genah genah sane tiyosan, sadereng kaupakara, kaangkat kajak budal kapekubonnyane saha salanturnyane patut kaupakara manut sastra agama, wenang mapanebusan lan penulapan ring genah seda, ring perpataan agung lan ring bangbang sami sarana upakara kependem.

2. Penyanggran banjar selanturnyane :

- ha. Soang-soang Krama nedunin patus manut perarem;
- na. Ngerombo ngaryanin eteh-ete sawa, saha kesarengin antuk Krama sane rawuh, nyaksiang;
- ca. Sami Krama Banjar nganter kesetra jantos pemendeman puput.

3. Ten wenang nyekeh sawa lintangan saking tigang(3) rahina.

4. Tan kalugra mendem sawa rikala

- Ha. Wuku was penganten ;
- Na. Semut sedulur ;
- Ca. Kala Gotongan ;
- Ra. Larung pegelangan : Wraspati penanggal/pangelong ping 6 (enem) ;
- Ka. Gagak anungsung pati, penanggal ping 9 (siya) ;
- Da. Ingkel Wong ;
- Ta. Rerahinan jagat, minakadi
1. Purnama ;
2. Tilem ;
3. Purwani

4. Kajeng Kliwon
5. Pasah ;
6. Buda Kliwon ;
7. Tumpek ;
8. Buda Wage (Buda Cemeng) ;
9. Anggar Kasih (Anggara Kliwon) ;
10. Saniscara Umanis Watugunung ;
11. Redita Umanis Ukir (Odalan Bhetara Guru)
12. Wuku walungpati penanggal ping 11 (solas).

Sa. Wuku Langkir ngantos Buda Kliwon Pahang, (buncal balung)

Wa. Sasih ka 10 (dasa), tanggal ping 13 (telulas) ;

La. Dewasa Kekeran manut Desa Adat.

5. Ten wenang atiwa-tiwa rikalaning larangan desa yening mamurug keni pamidanda manut pararem ;
6. Tan kalugra nginepang sawa ring bangbang yening mamurug keni pamidanda manut pararem.
7. Tata cara ngange setra manut pararem prajuru miwah dresta.
8. Sapa sira ugi pacang mendem sawa utawi atiwa-tiwa ring Setra Desa Adat Pedahan Kelod sane saderengnyane, tan ngranjing dados Warga Desa Adat pedahan kelod utawi mawit sakeng Desa Adat tiosan, patut nawur penanjung batu, akehnyane manut ring pararem.

awos 44

1. Sane kesinanggeh kacuntaka sekadi ring sor :
 - ha. Cuntaka antuk kelayu sekaran;
 - na. Cuntaka antuk ngeraja swala;
 - ca. Cuntaka antuk ngembasang putra;
 - ra. Cuntaka antuk keruron;
 - ka. Cuntaka antuk sakit ila utawi buduh;
 - da. Cuntaka antuk pawiwahan;
 - ta. Cuntaka antuk gamia gamana;

- sa. Cuntaka antuk salah timpal;
- wa. Cuntaka yening wenten anak istri mobot nenten kaupakara pabiakawonan tur pawidhiwidana;
- ja. Cuntaka antuk memitra ngalang;
- na. Cuntaka antuk yening wenten anak istri ngembasang putra sadurung maupakara pabiakawonan tur pawidhiwidana.

2. Sogker cuntaka manut kawentenannya:

- Ha. Cuntaka kelayu sekaran, cuntakannya 12 (roras) rahina manut sekadi loka dresta miwah sastra dresta Desa Adat Pedahan kelod utawi nyantos Nyeeb Brahma;
- na. Cuntaka ngeraja swala 3 (tigang) rahina ngawit saking ngeraja swala utawi salami ngeraja swala;
- ca. Cuntaka sangkaning ngembasan putra, kepis osel sane lanang ngawit saking putrane embas, utawi ngantos sampun kaupakarayang mekekambuhan tur maperayascita manut sekadi agama, sane istri ;
- ra. Cuntaka keruron, cuntakania abulan pitung rahina (42 Rahina) ring sane istri, tur sampun matirta pemerayascita, lanang 3 (tigang) rahina;
- ka. Cuntaka pawiwahan, cuntakannya ngantos sesampune matirta pabiakawonan;
- da. Cuntaka gamia gamana, cuntakania ngantos sesampune kepalasang utawi mesupihan tur sampun kawentenang pemerayascita raga tur kawentenang pemerayascita Desa Adat/Kahyangan ;
- ta. Cuntaka salah timpal kapuputang sekadi manut ring Agama Hindu tur dresta ring Desa Adat Pedahan kelod ;
- sa. Cuntaka anak istri mobot nenten kawentenang upakara pabiakawonan, cuntakania ngantos kawentenang upakara pabiakawonan;
- wa. Cuntaka mamitra ngalang, cuntaka ngantos kawentenang upakara pabiakawonan ;
- la. Ngembas putra nenten kawentenang upakara pabiakawonan, cuntakania ngantos wenten sane memeras sang putra, tur sampun kawentenang upakara sekadi manut ring ajaran agama Hindu;
- ma. Prade sinalih tunggil warga Desa wenten ngembasang Putra kembar utawi buncing, kangkat kamargiang upakara sekadi dresta sane sampun memargi sakewanten Desa Adat

nenten cuntaka, sane cuntaka wantah kulawarga sang sane ngembasang Putra kemawon, sekadi cuntaka ngembasang putra biasa.

3. Cuntaka Kelayu sekaran :

Ha. Kapendem Cuntakania :

1. Pengapit, pemapas/penumbak pekarangan ngantos 3 (tigang) rahina saha sampun mesapuh ;
2. Kulawarga ngarep 12 (roras) rahina sakeng upacara ngurug saha sampun mesapuh.

na. Keaben Cuntakania

Sang nyambut karya pitra Yadnya Cuntakannia ngawit sakeng nundunin rauh riwukas yadnyannia (mepegat) saha sampun mesapuh.

4. Sane ketiben cuntaka luire :

ha. Kelayu sekaran sane kacuntaka, Sang sane kelayu sekaran miwah Kulawargania ngantos misan ngarep.;

na. Ngeraja swala sane kacuntaka sang sane ngeraja swala;

ca. Ngembas putra, sane kacuntaka kulawargania sane ngembasang putra lanang wiadin istri;

ra. Pawiwahan sane kacuntaka sang sane kaupakara pawiwahan lanang wiadin istri;

ka. Keruron sane kacuntaka kulawargania lanang wiadin istri;

da. Gamia gamana sane kacuntaka sang sane ngelaksanayang gamia gamana lan desa adat nyane;

ta. Anak istri mobot sane tan kawntenang upakara pabiakawonan, sane kacuntaka sane meraga istri (sane mobot);

sa. Memitra ngalang, kacuntaka sane ngelaksanayang memitra ngalang, lanang wiadin istri.

wa. Ngembas putra tan kawntenang upakara pabiakawonan miwah upakara pawidhiwidana sane kacuntaka Sang sane ngembas putra lan Putra sane embas.

Pawos 45

Atiwa-tiwa (pengabenan) kelaksanayang manut dresta ;

Patemayan Pengabenan wenten kalih Pawos :

1. ba. Ngaben Dadakan/bahbangun, kedadosang sejeroning mesengker awuku utawi 7 (pitung) rahina;
2. na. Ngaben ngemasa utawi nuasa.

Pawos 46

1. Pepatusan pengabenan mawit sakeng Krama manut pararem.

2. Pepatusan ngaben dadakan patuh sekadi patuh Ngaben Nuasa

3. Sang madruwe Kelayu sekaran polih pangerombo sakeng Krama ngawit tigang rahina sadereng, saha indik patedunan krama lanang wiadin istri manut kawentenan karya tur manut sekadi pinunas sang meyadnya.

Pawos 47

1. Sajeroning Krama Desa nyanggra pitra yadnya Prade Krama sane nyambut karya matempung sawa, sane mawit sakeng Desa Adat tiosan utawi tan ngranjing dados warga desa adat patut naur penaub karya soang-soang sawa, akehnyane manut perarem.
2. Prade sinalih tunggil krama desa pacang matempung sawa ketios Desa Adat sajeroning ngawangun pitra yadnya, krama desa patut ngeromba ritakala nangiing sawa (ngeplugin) kemawon, ngantos puput ring setra saha sang madruwe karya wantah patut ngaturang panyembrama sawentena.
3. Tios-tiosan pemargin atiwa-atiwa kadi inucap ring ajeng indik pemargi-pemargi manut pidadab perarem.

Palet 4**Indik Manusa Yadnya****Pawos 48**

1. Manusa yadnya inggih punika upacara-upacara dharmaning manusa ngawit sakeng patemoning kama bang sajeroning garba, ngantos kalayu sekaran riwekas.
2. Upacara kadi ring ajeng madudonan kadi ring sor :

- ha. Magedong – gedongan duk pengrempinian ibiang
 - na. Duk sang kama reka medal;
 - ca. Kepus odel lan roras rahina ;
 - ra. Tutug kambuhan 42 (petang dasa kalih) rahina;
 - ka. Nigang sasihin;
 - da. Pawetuan/oton/otonan (enem sasih);
 - ta. Tutug kelih (ngeraja suwala, ngembakin utawi ngeraja singa
 - sa. Metatah (mepandes)
 - wa. Mawiwaha;
 - la. Mesudi widana.
4. Upacara-upacara inucap nista, madia, utama manut sastra Agama saha catur dresta maka buatan desa dresta ngawinang sima cara desa.

Palet 5

Indik Butha Yadnya

Pawos 49

1. Butha Yadnya inggih punika biakala ring pertiwi lan kayangan sarwa perani saha upacara-upacara ring bebutan
2. Upacara biakala ring sarwa perani, luire :
 - ha. Ring sarwa tumuwuh ritatkala tumpek Pengarah (Saniscara Keliwon Wariga);
 - na. Ring Sarwa ingon-ingon rikala Tumpek Uye (Saniscara kliwon Uye);
 - ca. Upacara pakala-kala manusa anut wiguna, kebawos pabyakala.
3. Upacara pabyakala ring pertiwi, kahyangan lan bebhutan kewastanin mecaru.
4. Upacara inucap ring ajeng nista madia utama manut wiguna sekadi ring sor :
 - Ha. Eka Sata;
 - na. Panca sata;
 - ca. Panca Sanak;
 - ra. Resi Ghana;

- ka. Panca Kelud;
 da. Taur Agung;
 1. Sejawaning kadi ring ajeng kewentenang upakara:
 Ha. Majot-jotan utawi Yadnya Sesa nyabran wusan meratengan;
 Na. Mesapuh-sapuh rikala pacang wali ring Pura.
 Ca. Mesapuh-sapuh ring sowang-sowang paumahan manut dresta lan kewentenan.

Pawos 50

1. Nyabran ngewarsa rikalaning Tilem Kesanga kawentenang tawur kesanga, kebawos pengerupuk maka cihna pacang mapag rainan penyepian benjangne ;
2. Upacara Penyepian sane pacang kemargiang antuk krama desa
 - ha. Amati geni, tan kengin maapi-api;
 - na. Amati karya tan kengin nyambut karya;
 - ca. Amati lelungan tan kengin maoneng-onengan, masuara goro lan sepenunggalannya.
 - ra. Amati lelungaan, tan kengin malunga-lungaan.
3. Paberatan inucap kamargiang sakeng semeng ngantos benjangne semeng raris kasuarayang kulkul pinaka cihna pengembak.
4. Sang mamurug kecaping ajeng keni pamidanda manut pararem desa adat kemargiang antuk petelik (pecalang desa) ;
5. Riwus rahina Nyepi benjangne maka cihna pengawit Icaka Warsa patut soang-soang warga desa sami ngaksama.
6. Sajawaning pemargi penyepian sajeroning nyanggra pengawit Icaka Warsa
7. Indik pemargi paberatan panyepian inucap angka (6) luwire :
8. Nenten dados nekaang utawi ngeluasang wewalungan lan sepenunggilannya utawi artha berana saha tan kapatutang matatampahan ngawit sata ngamanggehang ;
9. Pamargin paberatan masuwe 1 (siki) rahina.

**PANCAMAS SARGAH
SUKERTA TATA PAWONGAN**

Palet 1

Indik Pawiwahan

Pawos 51

1. Pawiwahan inggih punika patemoning purusa kalawan pradana malarapan antuk panunggalan kayun suka cita kadulurin upasaksi sakala kalawan niskala
2. Pengelaksana pawiwahan wénten kalih soroh luihé:

Ha. Pepadikan :

Tatacaraning pepadikan dresta desa adat pedahan kelod:.

- Ha. Kaluwargan sang lanang patut pinih riin mapisadek ring reraman wadoné.
- Na. Lantur patut mapisadek ring prajuru banjar lan prajuru adat.
- Ca. Pepadikan kesaksinin olih prajuru dinas lan prajuru adat.
- Ra. Lantur prajuru adat ipun patut nepak kulkul mecihna wenten pawiwahan.
Panepaké tan langkungan ring arahina tur nyobyahang pariindiké ring kramaa désa utawi dadia.
- Ka. Kelanturang nunas tirta ring dukuh kepuput olih pemangku pr.dukuh.
- Da. Upakara pawiwahan kemargiang manut dresta lan manut kemampuan nista-madia-utama.

Na. Ngrorod:

Tatacaraning dresta desa adat pedahan kelod

- ha. Kaluwargan sang lanang patut pinih riin mapisadek ring reraman wadoné antuk maosang anak alit sampun ngrorod sakirangnyané kalih diri tur tan lintangan ring arahina.
- Na. Risampm reraman wadoné pingkalih kula wargannyané nrima pemarginne tur kasaksinin antuk prajuru désa utawi dinas, salantur ipun i prajuru patut

nepak kukul cihna pawiwahan. Panepaké tan langkungan ring arahina tur nyobyahang pariindiké ring warga désa utawi banjaré.

Ca. Yéning tan keterima patut mangda kasarengin olih prajuru adat lan dinas manut drestaning angge nyungkeming pemargi anak alit.

Ra. Panetesan kamargiang ring paengkeban anténé tur risampun sang anténé nyihnayang pada suka cita kasaksinin antuk prajuru banjar utawi désa wewidangan paengkeban anténé, reraman sang wadon tan wenang ngambil pianaknyané.

Ka. Rikala sang mapiteket sampun matemu pada arep lanang istri ring sang sané katetes tresna anak alit patut kelanturang.

Da. Kelanturang nunas tirta ring dukuh kepuput olih pemangku pura dukuh.

Ta. Upakara pewisehan kemargiang manut dresta lan manut kewentenan nista-madia-utama.

3. Ndablab sang mawiwaha patut:

ba. Sampun munggah deha kalawan teruna (prasida nganutin undang-undang.

Na. Meyusa sanistane sane istri 16 tiban lan sane lanang 19 tiban.

ca. Sangkaning pada arsa suka cita (tan kapaksa).

ra. Manut kecaping agama utawi dresta agama

ka. sapesira silih simunggil krama ngambil alaki rabi duure desa during meyusa 16 tiban keni pamidanda manut ring pararem.

4. Sang mawiwaha patut naur penepak kukul manut ring perarem cihne sah kesaksi oleh penghulu adat.

Ha. Yening ngambil alaki rabi

Na. Yening keambil alaki rabi:

Ca. Yening keambil sareng krama duura Negara

Ra. Yening keambi sareng krama tios Agama

Ka. Yening keambil sareng krama duura Desa

Pawos 52.

Pamargin pawiwahan inucap ring pawos 51 ring ajeng mangdu taler nganutin uger-uger panegarane.

Pawos 53.

1. Parabian sané kapatutang wantah sakadi ring ser:

- ba. Kachalurin antuk semistanyané pabyakalan (madengen-dengen).
- na. Kasaksinin olih prajura-prajura dinas muah adat.
- ca. Kamunggahang sajeroning paillikitan ngates rawuhing

2. Pawiwahan tan kapatutang yuning sakadi ring ser:

Ha. Tan gamia gamana minakadi:

1. Ngambil pianak dinyama
2. Rerama dinyama
3. Semeton sodet
4. Semeton sios ibu
5. Semeton sios bapak
6. Semeton idih-idihan
7. Memisan ring arep

Na. Natab upakara sangkaning kapaksa.

- ca. Sinalih tunggil tan rawuh unwi tan wnten ring genabé natab.
- ra. Nénten wnten ilikita miwah saksi-saksi.

Pawos 54

1. Piteges pawisahan patit sang lanang marabi ahli taler sapunika sang isri.
2. Yuning sang lanang pacang marabi lungkungan ring ahli patit masodok ring sang tumawos.

Pawos 55.

Pradé wénten salah sinunggil kramané gamia gamana, drati krama (mamitra galang) patut kasisipagn tur katiwakin pamidanda manut ring pararem.

Pawos 56.

Pawiwahan saking tios agama, sadurung upacara pawiwahan kamargiang, patut kariyinin antuk upacara widi widana mantuké sang magama tiosan ring agama Hindu sané mateges upakara "Suddhi Wadani".

Palet 2.**Indik Nyapihan.****Pawos 57**

1. Pawiwahan sida wusan malarapan antuk palas marabian, utawi sinalih tunggil padem.
2. Wusan marabian sangkaning sinalih tunggil lampus utawi padem mewasta balu.
3. Palas marabian sangkaning wicara pracihna tan tumus sukacitaning panuggalan idep alaki rabi mewasta nyapihan.
4. Sang palas marabian manut ring angka (3) patut sampun ketiwakang pemutus saking guru wisesa manut ring uger uger panegarane.

Pawos 58.

1. Sulus palas marabi pradé sinalih tunggil anyasar laku, cédangga, wirosaning laku, matilar tan pasadu miwah setata wak parusa tan prasida adung malih miwah sane siosan patut ketiwakang majeng ring guru wisesa manut uger-uger panegarané.
2. Yening sampun ketiwakang pemutus saking guru wisesa sang palas rabi panut naur pamidanda munut ring pararem:
 - ha. Yening palas merabi sangkaning sane istri mapikayun palas
 - Na. Yening palas merabi sangkaning sane lanang mapikayun palas
 - Ca. Yening lanang istri mapikayun palas alaki rabi, sami keni

Pawos 59.

Pet prada sang palas marabian kacihnayang adung malih patut:

- ha. Nglaksanayang pawiwahan tur kawidi widana malih manut upacara pawiwahan.
- na. Keni pamidanda nikel saking palasé, pamarginé inucap kawastanin tulak wali.

Pawos 60.

1. Balu kabinayang dados:

- Ha. Balu luh wit sentana (balu rajeg) miwah balu luh boya sentana.
- Na. Balu muani kapurusa muah balu muani nyeburin (boya sentana).

2. Swadarmaning balu inucap patut:

- ha. Ngamanggehang pati brata tan kéngin ngamargiang paradara utawi dratikrama.
- Na. Nguasayang waris pagunakaya tan kéngin ngadol, ngadéang, makidihang sajawaning polih kabébasan saking pianak utawi pakulawargannya pradé pianaké kantun alit-alit.
- Ca. Kéngin ngidih sentana pradé sampun wénten pidabdab sadurung sinalih tunggil lampus saha kabébasang antuk kulawarga sinanggeh kapurusa.
- Ra. Balu muani nyeburin kawéhin mawiwaha malih pradé sampun polih paigum saking pianak deha utawi teruna utawi kulawargan kapurusa.

Pawos 61

1. Balu tan pageh luihé:

- ha. Drati krama/para dara.
- na. Matilar saking paumahan tan pasadok jantos 6 (nem) sasih.
- ca. Lémpas ring swadarmaning balu tan prasida ngeséhin solah, setata tungkas arep ring pituduh pakulawargan kapurusa sané patut.

2. Yaning macihna kadi ring ajeng manut tri pramana wenang balu luh boya sentana muah balu muani nyeburin :

- ha. Kauli hang antuk kulawargan kapurusa tur tan képaica makta pagunakaya.
- na. Tan polih upon waris.

3. Pradé balu inucap pageh, kaékan-ékan antuk kulawarga kapurusa polih pahan pagunakaya.

Palet 3.

Indik Sentana.

Pawos 62.

1. Munguing sentana wénten kalih sorih luiré:
 - ha. Prati sentana.
 - na. Sentana peperasan.
2. Prati sentana inggih punika sentana sané metu saking pawiwahan sané kaloktah kaucap oka.
3. Pradé pawiwahané tan ngwetuang oka (tan madrebé prati sentana) kéngin ngidih sentana antuk upasaksi sakala niskala kawastanin sentana peperasan.

Pawos 63.

1. Meras sentana manut dudonan patut makacihna arta brana (pamelin basan buat) saha mapasaksi sakala niskala.
2. Sapasira ugi pacang ngidih sentana (meras) patut masadok ring prajuru banjar sanistannyané 3 (tigang) sasih sadéréng upacara pamerasan.
3. Prajuru patut nyobyahang indik perencanaan punika ring krama banjar utawi désané.
4. Yaning wénten sinalih tunggil krama désa utawi banjar sané mapikarsa nénten manut ring perencanaan sang jaga mameras, upacara pamerasan durung dados kamargiang. Yaning sampun pada gilik saguluk, sinalih tunggil kulawargannya wenang ngatur supéksa ring Sang Rumawos mangda kaicénin pamutus. Yaning sajeroning tigang sasih (105 rahina) tan wénten atur supéksa ring Sang Rumawos (Pengadilan Negeri), meras sentana manut dudonan sinanggeh sampun sah polih rawos gilik saguluk saking krama banjar utawi désa.

Pawos 64.

1. Pamerasan sinanggeh sampun pastika risampun macihna:
 - ha. Mawidi widana.
 - na. Kasaksinin prajuru adat miwah dinas.
 - ca. Kasobyanang ring paruman banjar utawi désa.
2. Kéngin taler kakaryanang sualapatra utawi ilikita pastika ring sang ngawewenang.
3. Sang patut kaperas anggén sentana patut sakadi ring sor:
 - ha. Jatma sané magama Hindu.
 - na. Papernahan nedunang saking sang meras.
 - Ca. Kulawarga saking purusa sané pinih nampek, yan tan wénten dados saking predana, yan taler tan wénten dados saking doh manut pikayun.
 - Ra. Kautamayang saking ahli waris.
4. Kédadosan ngangkat sentana langkungan ring adiri menawita lanang-lanang, istri-istri utawi lanang istri.

Pawos 65.

1. Pradé wénten sinalih tunggil krama désa madrebé putra kembar lanang istri utawi buncing Kulawargannya patut nglaksanayang upacara yajnya macaru ring paumahan.
2. Desa adat, banjar adat, patut nglaksanayang upacara yajnya macaru utawi sane tiosan manut dresta.

Palet 4.**Indik Warisan.****Pawos 66.**

1. Warisan inggih punika tetamian arta brana saha ayah-ayahan ngupadi kasukertan sakala niskala saking kaluhurannya marep ring sentanannya. Warisan kéngin marupa:
 - ha. Drué tengah.
 - na. Pamrajan, panti, paibon lan sapanunggil ipun.
 - ca. Muah arta brana siosan, utawi utang piutang druén sang lampus.

Pawos 67

1. Sang sané patut ngwarisin utawi ahli waris luihé:
 - ha. Prati sentana purusa.
 - na. Sentana rajeg.
 - ca. Sentana peperasan.
2. Pradé tan wénten sakadi ring ajeng sané sinanggeh ahli waris luihé:
 - ha. Turunan purusa pernah munggahang rerama misan arep utawi mindon.
 - na. Turunan purusa pernah kasamping mekdi keponakan miwah mindon.

Pawos 68.

Swadarmaning ahli waris patut:

- ha. Nrima saha nguasa tetamian saking leluhurnya minakadi ngrempon sanggah, pura lan sapanunggil ipun saha ngupakara miwah nimbakin ayah-ayahan.
- na. Nyledii ayah-ayahan pawaris.
- ca. Ngabénang pawaris.
- ra. Naurin utang-utang pawaris.

Pawos 69.

Pangepahan warisan manut sakadi ring sor:

- ha. Risampun kalaksanayang pitra yajnya mantuk ring sang pawaris, muah kataur utang-utangnya sami.
- na. Para ahli waris polih pah-pahan pada saking pagunakayan sang pawaris.

Pawos 70.

Ahli waris tan polih pah-pahan yaning:

- ha. Sampun tan malih nganutin darmaning agama Hindu miwah nilar kawitan.
- na. Alpaka guru rupaka.
- ca. Sentana rajeg késah mawiwaha muah prati sentana nyeburin sané kabawos ninggal kedaton.

Pawos 71.

1. Pradé wenten boya ahli waris nanging maupu hasil sekadi:
 - ha. Sentana luh salami dérèng marabian.
 - na. Balu luh (boya prati sentana) wiadin balu nuani (nyeburin) salami ngamargiang swadarmaning balu.
 - ca. Mulih deha wiadin teruna.
2. Pawaris saking maweweh (ngewéhin) rikala maurip pinaka:
 - ha. Jiwa dana utawi tetatadan utawi bekel makacihna paweweh tetep ring pianak sané késah mawiwaha.
 - na. Pangupa jiwa, paweweh pawaris maka upon-upon kémawon.
 - ca. Pedum pamong/raksa, pahan waris tatkala pawaris kantong maurip.

Pawos 72.

Pradé sajeroning pakulewargannyané wénten ahli waris langkungan ring adiri patut:

- ha. Kawéntenang paigum indik pedum waris inucap.
- na. Yaning tan prasida wenang nunas tetimbang ring prajuru désa adat.
- ca. Yaning taler tan prasida gilik saguluk wenang nunas pamutus ring sang rumawos.

Pawos 73

Pradé wénten karang kaputungan, prajuru wenang mawosin saha nuréksa sila-sila muah sulur pakulawargan sang kaputungan tur nibakang pamutus sakadi ring sor:

- Ha. Nyerahang waris sang kaputungan ring ahli waris sakéng kapurusa.
- na. Yaning tan wénten kadi ring ajeng wenang kaambilang saking pradana.
- ca. Yaning taler tan wénten dados sakama-kama nanging krama sané magama Hindu tur saking banjar inucap.

SADTHAS SARGAH.**WICARA LAN PAMIDANDA.****Palet 1.****Indik Wicara.****Pawos 74**

1. Sane wenang mawosin mekadi mutusang wicara ring desa adat inggih punika Prajuru Desa.
2. Yening wenten wicara ring banjar adat utawi ring sekaa-sekaa yogya kabawosang antuk prajuru soang-soang yening tan kesida puput wenang ketengahang ring desa adat, yogya prajuru adat maossin.
3. Yening pamutus wicara sane ketiwakang antuk prajuru desa adat tan katinutin sareng sang wicara, wenang ketengahang ring paruman desa. Prada pamutus ring pasamuhan desa tan katinutin taler yogya sang wicara katunasang ring sang romawos (pengadilan).

Pawos 75

1. Sahanan wicara sané makawiwit kacorahan lan sakaluiré, miwah sané sinanggeh nungkasin daging awig-awig, pararem miwah pasuaran banjar utawi désa adat patut kabawosin premangkin tan nyantos pasadok.
2. Sajaba tiosan wicara sakadi ring ajeng patut nyantosang pasadok sang nunas bawos.
3. Panepasé mangda pastika nyantenang iwang patut malarapan tri pramana (saksi, ilikita, bukti), saha tan maren nepék ring catur dresta.

Palet 2.**Indik Pamidanda.****Pawos 76**

1. Désa utawi banjar wenang niwakang pamidanda ring warga désa sané sisip.
2. Paniwak inucap kalaksanayang olih Bendesa adat, prajuru adat, pecalang utawi Klihan Banjar nunggal-nunggal utawi sinarengan manut pararem.

- ha. Kalaksanayang olih prajuru kasarengin olih krama banjar, sakirangnyané 2 (duang) diri lan pecalang pinaka saksi.
- na. Tan dados ngrampag sahanan brana sané kainggilang manut agama miwah ngamademang pangupajiwa sang karampag.
- ca. Pradé sang karampag ngalangin pamargin rerampagan patut kaaturang ring sang ngawewenang

Pawos 79

- 1 Prade sang pacang kerampag ngewara (ngalangin) pelaksanan inucap mewasta sampun tan nganutin awig-awig desa wenang kesuserahang majeng ring sang rumawos taler tan keupasaksi olih prajuru ritatkala meduwe panca yadnya.
- 2 Samaliha yen wenten purun taler ngalangin pelaksanan kadi ring ajeng tan wenten pemargi sejawaning kesepekang antuk Krama Desane ;
- 3 Pamidanda inucap ring ajeng buntas risampun sang kerangpang :
 - ha. Nunas geng pengampura ring Krama Desa riantukan nguak pasubaya (pararem);
 - na. Nawur pengargan penguak pasubayane duk pacang kerampag kadulurin prayascita penyapsap keiwangane ring desa.

SAPTA SARGAH

NGUWAH-NGUWUHIN AWIG-AWIG

Pawos 80

1. Nguwah-nguwuhin Awig-awig Desa Adat puniki kelaksanayang antuk Paruman Sabha Desa, Kerta Desa Adat.
2. Awig-awig puniki kemargiang ngawit keingkupin (keraremin)

Pawos 81

1. Sakaluring sane wenten saderengnya patut keanutang ring sedaging Awig-awig puniki.
2. Sakaluring sane durung kebawos sajeroning Awig-awig puniki patut kelaksanayang manut tatacara sane sampun memargi kadulurin antuk perarem-perarem.

3. Agung alit pamidanda manut sor singgih kasisipan tan maren ngupadi darma kaolas-arsan pinih ajeng, maka buatan kasudamalan désa.
4. Bacakan pamidanda saka luihé:
 - ha. Danda arta muah panikel-panikelnyane.
 - na. Danda ayah-ayahan (nyuaka iwang).
 - ca. danda upasaksi Upakara panyangaskara.
 - ra. Pegat mekrama(lepas).utawi sane tiosan manut pararem.
5. Jinah utawi arta brana pamidanda ngranjing dados drué désa utawi banjar. Pamidanda sangkaning bebandingan kaepah dados kalih, apahan ngranjing ka banjar adat lan apahan ngranjing ka désa adat.
6. Jinah utawi arta brana sangkaning penepak kulkul sami ngranjing ka desa adat.

Pawos 77

1. Rikala pawanengan ngamedalang jinah pepeson utawi urunan, dedandan utawi dedosan, yaning celed ring wewanengan sané sampun kauwéhin, mawaneng tigang(3) asangkepan nénten kataur patut keni pamidanda nikel.
2. Risampun nikel mawaneng malih asangkepan taler tan kataur patut kapakélingin antuk darma olas asih, pradé taler tan satinut, malarapan antuk cecidran ageng alit utangnyane kacirénin pacang karampag, risampun wénten tigang rahina saking kacirénin taler tan naur patut karampag.
3. Risampun polih pawanengan malih tigang rahina saking karampag arta brana sané karampag tan katebus patut kalélang.
4. Yaning pangargan arta brana inucap langkungan saking hutangnyané salebihnyané patut kawaliang ring sang karampag.

Palet 3

Indik Rerampagan

Pawos 78

1. Krame sane langkungan ring tigang paruman ngelantur tan nawur urunan miwah dedendan wenang kerampag.
2. Rerampagan ngangge tata cara kadi ring sor :

ASTAMAS SARGAH

PAMUPUT

Pawos 82

- 1 Awig-awig puniki kararemin duk rahine Anggara Keliwon Wuku kulantir Içaka Warsa 1942, Tanggal Maschi 14, April 2020, ngambil genah ring Bale Pesamuan Pura Desa Lan Bale Agung Desa Adat Pedahan Kelod.
- 2 Awig-awig puniki kalinggatanganin antuk Prajuru Desa Adat kasarengin antuk Kelihan Banjar Adat Sewewidangan Desa Adat Pedahan Kelod, Kepala Dusun Sewewidangan Desa Adat Pedahan Kelod, Kepala Desa Tianyar Tengah lan Camat Kubu pinaka saksi.
- 3 Luir Sang Ngelingga Tanganin :

ha. Kapertama Prajuru Desa Adat :

1) Bendesa Adat Pedahan Kelod

2) Pangliman

(Jro Mk I Nyoman Nik)

(I Nyoman Rauh)

3) Penyarikan

4) Petengen

(I Ketut Pasek S.Pdsd.)

(I Gede Antara.S.H)

na. Kaping kalih, Kelihan Banjar adat Ring Sewewidangan Desa Adat Pedahan Kelod:

5) Kelihan Banjar Adat Pedahan Kelod

6) Kelihan Banjar Adat Padang Sari

(jro mk kt kumpul)

(I Made Mertanggi)

7) Kelihan Banjar Pelisan

8) Kelihan Banjar Adat Sangsana

(1 Wayan Sakti)

(1 Manjula Kuntar Candi)

1) Kertihun Danyar Aduh Bakti Landak

11) Kertihun Danyar Aduh Bhanghala

(1 Ika MB Darmati)

(1 Widiastuti)

12) Kertihun Tiga Kaptah Danyar Kertihun Bhanghala Danyar Aduh Bakti Landak

11) Kaptah Danyar Bakti Landak

11) Kaptah Danyar Bhanghala

(1 Wayan Lina Widayanti)

(1 Widi Murni)

12) Kaptah Danyar Bakti Landak

11) Kaptah Danyar Bhanghala

(1 Widi Darmati)

(1 Kuntar Bakti)

12) Kaptah Danyar Bakti Landak

10) Kaptah Danyar Bhanghala

(1 Wayan Sakti)

(1 Kuntar Widiastuti)

12) Kaptah Kertihun Kaptah Danyar Bakti Landak

12) Kaptah Kertihun Candi

11) Candi

Bakti Landak

(I Ketut Ada)

(I Nyoman Suratika,S.sos)

Da.Kaping Enem : Majelis Adat Kecamatan Kubu

19) MDA Kubu

I Made Sudarma

Ta.Kaping Pitu : Majelis Desa Adat Kabupaten Karangasem

20) MDA Karangasem

DR.I Wayan Arta Dipa,S.H,M.H

Da.kaping Kutus :Bupati Karangasem Pinaka Murdaning Pamikukuh

Karangasem :

Reg. No. :

BUPATI KEPALA DAERAH TINGKAT II KARANGASEM,

BUPATI

I Gusti Ayu Mas Sumantri,S.sos.MAP.